

Politiit Immikkut Paasiniaasartui (PET) pillugit inatsisip allanngortinneqarnera pillugu inatsimmi, illersornissaqarfiup politiillu immikkut paasiniaasartui pillugit ataatsimiititalianik pilersitsisoqarnissaa pillugu inatsimmi aamma pasinapiluttunik kalerriisartut illersorneqarnissaat pillugit inatsimmi (Immikkut paasiniaasartut nakkutilliivigineqarnerisa patajaallisaavigineqarnerat) § 1-p Kalaallit Nunaannut atuutilersinneqarnissaa pillugu peqqussut pillugu missingiutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Meeqqanut, Inuusuttunut, Inatsisip Atuutsinneqarnerannut Naligiissitaanermullu Naalakkersuisoq)

Siullermeerneqarnera

Siullermik Naleqqamiit Naalakkersuisut qutsavingerusuppagut PIP (PET) pillugit inatsisip allanngornissaanut, Naalagaaffik suleqatigalugu suliaqarnerannut.

Inatsisip siunertaa tassaavoq PIP annerusumik pisinnaatitaaffilernagu, kisianni PIP nakkutigineqarneranut piumasaqaatinik sukaterineq. Tassa PIP suliaanut atatillugu nakutiginninneq pitsanngorsarneqarpoq.

Naleqqamiit isumaqarpugut PIP nakkutigineqarneranut sukaterinerit ajunngitsut. Tassami inuit pisinnaatitaaffiinik, nunatsinnilu inatsisinik unioqqutitsinnginnissaat aamma pingaaruteqarmat.

Naleqqamiit isumaqarpugut qanorluunnit paasiniaasarfiit nakkutigineqarnerat, nunami tamat oqartussaanerannik ataqqannittumi, soorunami pisariaqartoq – tamannami innuttaasunik tatiginninnerunermik pilersitsisinnaammat.

Taamannak immikkut paasiniaasartut sulinerminni suliffeqarfiit, kattuffiit, innuttaasut misissorneqartunut kingunipilutsitsisoqaratarsinnaavoq. Naak siunertaq Kunngeqarfimmut, Inatsisartunut, Naalakkersuisut allallu illersorniarlugit sulinerugaluartoq.

Naleqqamiit oqaatigissavarput, Nuna Naalagaaffinngorniarluni sulissuteqartoq, soorunami nunanik, soqutigisaqatigiinnik, suliffeqarfinnik allannillu oqaloqateqarsinnaanerak killilersorniarneqassanngitsoq. Tassami politikikkut anguniagaq Naalagaaffinngornissaq imaannaanngilaq, taamaattumillu diplomatiskimik, niuernikkut, inuiattullu attaveqarnek pasillernermet saatinniarneqassanngilluinnarpoq.



Naleqqamiit isumaqarpugut PIP sulinera Namminersorluta sulinitsinnut ataqqinnissasoq, minnerunngitsumillu Naalagaaffinngornissatsinnut sulinitsinnut annertunerpaamik ataqqinnissasoq.

Taamaattoq Naleqqamiit aalajagiiffissatut siunnersuut, Kunngip peqqussutaa taparserumavarput, tassami PIP- mut nakkutilliineq sukaterneqassammat.

Kaammattuutigissuarpullu Inatsisinut ataatsimiititaliamut aappassaaniinginnerani suliarineqassasoq.

Qujanaq